



# Los Papas Heëlebaan

---

## Los Papas Nujsbreef - Oehtgaaf 8, joargank 2014.

Betste Vasteloavendsvrung!

Òp unne murge weësjt zoeëmar wakker, oane noa un zitting te hove goan. Ut liekt waal of vieër da las hant va òntwenningsklagte. Da hant vieër eg ut zungele i de bing. En joa, òngeleuflik: vieër zient oos ege vrouwlùj wèr mieë es oos Los Pappaslede. Vieër kiekke in oos agenda en zient dat d'r Vasteloavend 2014 vuërbei is. Klatsboem, sjloes! Mit pieng in oos hat dinke vur trük aa die volle zale woeë vieër oos òptreënes mogte beleëve.

Went vur dizze agste nujsbreef sjrieve, òntdekke vieër dat vur rigtige vrung zint i gòwe en i sjlegte tieje. Òzze Los Papas Ger weëd opa en zoeë weëd egelik jieëkere Los Papa een bietje opa© Wiejer kinne vur gelukkig zage, dat vur kwa òptreënes alling mar hoeëgtepunte hant beleëfd. Bis òp ut Belsj.

Me huërt waal uns zage dat de klinge liggamelikke òngemakke mit de joare kòmme. Mar beij Los Papas woar doa nieks va te merke. De boddies bewoge es geoliede mesjiennes òp de versjillende bühnes. Òg de dienamiek sjarmeerde mennig meëdjeshat, zoeëdat dat van òs òg sjneller is goan kloppe. Òp oos nuj ekt hant vieër vöel òntoeziejaste reakties gekrieëge. En ut i de moat blieve geet òg beij jieëkerinne ummer beëter. U leuk kompliment wille vieër geër loate huëre: "Los Papas is good durg de eevuijd en ut plezeër dat ze oehtsjtroale."

Noa ut sezoehn is òp d'r dònnerdigoavend en aan ut end va de weëk ging Los Papas-koorts mieë. Dan hant vieër ut geveul datste get neet good mitkries en òp zeuk bis noa get nujs.

Doa uëver, uëver dat nujs, wille vieër u gans klee bietje vertelle. Los Papas besjteet ut nieks joar alwèr 2x11 joar. Wie vur ut gònt viere, wete vur nog neet. Mar dát vur ut goan viere, dat is zoeë zieëker wie mar get!

Òg wille vieër wèr oos Finy bedanke vuër ut geduld en de seriejeuze wöad beij ut prove. Vuëral went ut d'ròp leek, dat ut mis zouw goan. Oane dat meëdje kumt d'r neet éé inzig pasje òp de vloer en dat is natürlig waal jieëker joar wèr nuëdig in oos nuj sjoow.

Leef lùj, de jònge va Los Papas wunsje ug alle goods tòw. En ongetwiefeld zient vieër òs d'r kòmmede tied nog waal urges. Bis da!

De grus van âl die jònge va Los Papas.  
Ger, Hans, Henk, Jack, Jo, Jo, Louis, Tibert, Walter

[www.lospapas.nl](http://www.lospapas.nl)